

THIE-TASHTEE VANNIN



Ayns y nah lieh jeh'n nuyoo cheead-blein jeig ren y Kiannoort Loch pointeil Barrantee Henndaaleeagh. Mysh y traa shen va Çheshaght son Tushtey Dooghys as Graihderyn Shenn Reddyn Ellan Vannin currit er-bun, as ren oilley shoh greinnaghey yn theay cooney y chur da'n eie eiraght yn Ellan y reayll. Geiyrt er shoh, hie Treishteilee Thie-Tashtee Vannin as Shenn Charnaneyn er cur er-bun liorish Slattys Tinvaal.

AYNS Y TOSHIAGHT

Haink eh gy kione myrgeddin dy row troggit 'sy vlein cheddin yn thie hug aaght da'n chied Thie-Tashtee Vannin, agh cha daink eh dy ve yn thie kinjagh son Thie-Tashtee Vannin roish y vlein 1922, tra reagh Treishteilee Henry Bloom Noble dy row eh ymmyrchagh y thie-lleihys y scughey gys troggal smoo.

She P.M.C. Kermode va'n chied oaseir, veih 1922 gys 1932. V'eh er cheau e vea gaahirrey reddyng shenn-emshiragh er yn Ellan, as myrgeddyn v'eh er ve Scrudeyr da Treishteilee Thie-Tashtee Vannin as Shenn Charnaneyn er-dyn vlein 1905. S'ardjeean ghow eh toshiaght er cur-lesh cooidjagh ny çhaglymyn va freilt 'sy thie-tashtee shallidagh ayns Cashtal Rushen, adsyn va stoyrit ayns Purt ny Hinshey, Oik y Reiltys as kuse dy vuill elley, as ny çhaglymyn ayns Rhumsaa b'lesh Çheshaght son Tushtey Dooghys as Graihderyn Shenn Reddyn Ellan Vannin. Ny sodjey na shen, hug Kermode er-bun y chied çhaglym jeh jallooyn as prentyn ynnydagh liorish yn pheinteyr oasle J.M. Nicholson, er nyn jymnaghey liorish Baume. My dooar eh baase 'sy vlein 1932, hug Kermode sheese bun ny towshanyn acadoil nyn gour ocsyn harragh ny-yei.

Tra doshil eh yn thie 'sy vlein 1922, dooyrt y Kiannoort, y Reejerey William Fry, er agh 'aishnagh: Foddee dy vel kuse dy 'leih coontey 'n Thie-Tashtee shoh dy ve lane veg. Ta dy chooilley hie-tashtee beg ec y toshiaght, agh cha nel oyr erbee ayn nagh jean y Thie-Tashtee shoh gaase. Ta thaloo ain dy heeyney eh, as ta plannyn goll er jannoo hannah son e vooadaghey. Ve rieu fo ny Barrantee dy beagh eh shoh ny vean-ynsee son yn Ellan.

Y THIE-TASHTEE NOA

Ayns y vleïn 1986 ve keead-vleïn neayr's va ny Treishteilee currit er-bun, as ren ad feailley jeh shoh liorish soilshaghey magh plannyn-bishee yl-lhiatteeagh, goaill stiagh schein-sheeynee scanshoil yinnagh costal £1.3 millioon as bishaghey dy mooar ny shirveishyn v'ad çhebbal da'n theay.

Ayns y daa vleïn ny lurg shen, ren ad fosley laare noa son shenndaaleaght roie-hendeeagh (chossin yn oundyr 'Thie-Tashtee ny Bleeaney' myr y laare noa share son sheendaaleeaght roie-hendeeagh ayns ny hEllanyn Goaldagh) as laare-taishbynys shallidagh feer speedeilagh, as eh shoh mastey ooilley ny laareyn smoo scanshoil jeh'n Thie-Tashtee va goll er aa-chummey beggan er veggan.

Doshil e hArd-Ooashley yn Ven-Rein Ealisaid II, Çhiarn Vannin, yn sheeyney noa ayns Doolish 'sy vleïn 1989. Ta'n troggal noa cummal shamyr son leaghtyn as filmyn as ny smoo na 200 soiagyn aynjee, as veih'n troggal shoh foddee shiu shooyl trooid y Laare Ashoonagh son Jallooyn as y laare thanvanagh son caslyssyn-çheerey gys ny laareyn aa-chummit 'sy troggal shinney. Yiw shiu ayns shen myrgeeddin Rheynn Shirveishyn-Ynsee Eiraght Ashoonagh Vannin, rheamys son co-whaiylyn as ooilley'n chullee aynshen ta bentyn roo, as rheamys cour yn skimmee jeidagh ta çhebbal shirveishyn çhaghnyssagh.

She Thie-Tashtee Ashoonagh ny hEllan yn 'Thie-Tashtee Vannin' shoh jiu, as t'eh yn vean neesht son shirveishyn ny Treishteilee fud ny hEllan. Foddee Eiraght Ashoonagh Vannin co-reaghey dy schleïoil nish ooilley cooishyn bentyn rish eiraght ny hEllan; er-coontey jeh shoh as ny shirveishyn shareit, foddee ny Treishteilee soilshaghey dy baghtal yn eiraght shen as ee y chreck da'n theihll.

Y CHIED 'OSLEY : 'SKEEAL VANNIN'

Ta 'Skeal Vannin' goaill toshiaght 'sy çhamyr-leaght/fillym, aynjee hee shiu fillym er-lheh ta soilshaghey ny taghyrtyrn smoo trome-chooishagh ayns shennaghys Vannin. Chammah's cur er-enney Thie-Tashtee Vannin ayns Doolish er aght noa, te kiarit dy jean ooilley ny reddyn noa ta çhebbit greinnaghey keayrtee as cur boayl daue oddys ad goaill toshiaght er scrutaghey yn eiraght voar er-lheh ta ry-gheddyn fud nyhEllan. Cha jean keayrtee jarrood ny nheeghyn yindyssagh t'er nyn daishbyney 'sy laare. Nee ad brasnaghey ad dy mooar dy heet dy ve ainjyssagh rish 'Skeal Vannin' liorish ronsaghey 'nane jeh ny buill s'berçhee ayns shennaghys 'syn Oarpey.

SHIRVEISHYN KIARIT DA KEAYRTEE

S'feer feeu **Shapp yn Eiraght**, raad yiw shiu caghlaa mooar dy ghiootyng kianglt rish shennaghys Vannin as obbyr Eiraght Ashoonagh Vannin. Nee keayrtee feddyn neesht bee Manninagh shenn-chliaghtee as blastal ayns **Shamyr-bee ny Baie**. Lhaih yn duillag mychione **Fysseree cour Keayrtee**, my sailliu, dy gheddyn magh ny hooryn-foslee, yn leagh-entireilys as caslys-çheerey yeeaghys diu c'raad t'eh.